

ЎЗБЕКИСТОН РЕСПУБЛИКАСИНING ҚОНУНИ

«ДАВЛАТ БОЖХОНА ХИЗМАТИ ТЎҒРИСИДА»ГИ ЎЗБЕКИСТОН РЕСПУБЛИКАСИ ҚОНУНИГА ҚЎШИМЧА ВА ЎЗГАРТИШЛАР КИРИТИШ ҲАҚИДА

Қонунчилик палатаси томонидан 2021 йил 24 августда қабул қилинган
Сенат томонидан 2021 йил 30 сентябрда маъқулланган

1-модда. Ўзбекистон Республикасининг 1997 йил 29 августда қабул қилинган «Давлат божхона хизмати тўғрисида»ги 472-I-сонли Қонунига (Ўзбекистон Республикасининг 2018 йил 18 октябрда қабул қилинган ЎРҚ-502-сонли Қонуни таҳририда) (Ўзбекистон Республикаси Олий Мажлиси палаталарининг Ахборотномаси, 2018 йил, № 10, 678-модда; 2019 йил, № 5, 265-модда, № 9, 588-модда; 2021 йил, 4-сонга илова) қуйидаги қўшимча ва ўзгартишлар киритилсин:

1) 3-модда:

қуйидаги мазмундаги еттинчи хатбоши билан тўлдирилсин:

«жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролини тарқатишни молиялаштиришга қарши курашиш бўйича чора-тадбирларни ишлаб чиқиш ҳамда амалга оширишда ўз ваколатлари доирасида иштирок этиш»;

еттинчи — ўн учинчи хатбошилари тегишинча саккизинчи — ўн тўртинчи хатбошилар деб ҳисоблансин;

2) 6-модданинг **саккизинчи қисми** «умумий штатлари сони» деган сўзлардан кейин «ва меҳнатга ҳақ тўлаш фонди» деган сўзлар билан тўлдирилсин;

3) 7-модда:

қуйидаги мазмундаги тўртинчи хатбоши билан тўлдирилсин:

«божхона аудитини амалга ошириш»;

тўртинчи — ўн иккинчи хатбошилари тегишинча бешинчи — ўн учинчи хатбошилар деб ҳисоблансин;

қуйидаги мазмундаги ўн учинчи хатбоши билан тўлдирилсин:

«жисмоний ва юридик шахсларга қонунчиликда белгиланган тартибда пулли хизматлар кўрсатиш»;

ўн учинчи хатбошиси ўн тўртинчи хатбоши деб ҳисоблансин;

4) 11-модда:

қуйидаги мазмундаги тўртинчи қисм билан тўлдирилсин:

«Божхона органлари ходимлари божхона назоратини амалга оширишда махсус восита сифатида хизмат итларидан фойдаланиши мумкин»;

тўртинчи қисми бешинчи қисм деб ҳисоблансин;

5) 13-модданинг **тўртинчи** ва **бешинчи қисмлари** қуйидаги таҳрирда баён этилсин:

«Алоҳида ҳолларда, божхона органларига хизматга ушбу модданинг иккинчи ва учинчи қисмларида кўрсатилган талаблар инобатга олинмаган ҳолда:

Ўзбекистон Республикаси Президентининг фармони, қарори ёки фармойиши, шунингдек розилиги ёки Ўзбекистон Республикаси Вазирлар Маҳкамасининг қарори ёхуд Ўзбекистон Республикаси Давлат божхона қўмитаси раисининг буйруғи асосида — бошқа давлат органларининг ва ташкилотларининг ходимлари;

Ўзбекистон Республикаси Давлат божхона қўмитаси раисининг буйруғи асосида — ёши ўттиздан ошган, тор ихтисосликдаги юқори малакали мутахассислар қабул қилиниши мумкин.

Қуйидагилар божхона органларига хизматга қабул қилиниши мумкин эмас:

муомалага лаёқатсиз ёки муомала лаёқати чекланган деб топилган фуқаролар;

хизматни ўташга монелик қиладиган касаллиги ёки жисмоний нуқсонлари бўлган фуқаролар;

бошқа давлат органларидан салбий сабабларга кўра бўшатирилган фуқаролар;

содир этган жинояти учун илгари ҳукм қилинганлар, қўлланилган жазо туридан, судланганлик ҳолати тугатилганлигидан ёки олиб ташланганлигидан ва ўзига нисбатан амнистия акти ёки афв этиш қўлланилганлигидан қатъи назар ёхуд ярашув муносабати билан жиноий жавобгарликдан озод қилинган фуқаролар»;

б) 16-модда:

иккинчи ва учинчи қисмлари қуйидаги таҳрирда баён этилсин:

«Божхона органларининг сержантлар таркиби лавозимларига қабул қилинган шахсларга уларни лавозимга тайинлаш билан бир вақтда «божхона хизмати кичик сержанти» махсус унвони берилади.

Божхона органларининг офицерлар таркиби лавозимларига қабул қилинган шахсларга уларни лавозимга тайинлаш билан бир вақтда «божхона хизмати катта сержанти» махсус унвони берилади, улар бу унвонда дастлабки синов муддати тугаб, биринчи офицерлик унвони берилгунигача қадар хизмат қиладиган;

қуйидаги мазмундаги тўртинчи қисм билан тўлдирилсин:

«Божхона органларида лавозимлар (офицер ва сержантлар эгаллаши лозим бўлган штат лавозимлари) ва уларга мувофиқ махсус унвонлар Ўзбекистон Республикаси Давлат божхона қўмитаси раиси томонидан тасдиқланадиган божхона органларининг штатларида назарда тутилади»;

тўртинчи — ўттизинчи қисмлари тегишинча бешинчи — ўттиз биринчи қисмлар деб ҳисоблансин;

олтинчи қисмидаги «номзодларга» деган сўз «шахсларга» деган сўз билан алмаштирилсин;

саккизинчи қисмидаги «майор» деган сўз «божхона хизмати майори» деган сўзлар билан алмаштирилсин;

тўққизинчи қисмидаги «полковник» деган сўз «божхона хизмати полковниги» деган сўзлар билан алмаштирилсин;

ўнинчи қисмининг:

биринчи хатбошисидаги «лейтенант» деган сўз «божхона хизмати лейтенанти» деган сўзлар билан алмаштирилсин;

иккинчи хатбошисидаги «синов муддатини» деган сўзлар «бирламчи касбий қайта тайёргарликни» деган сўзлар билан алмаштирилсин;

ўн иккинчи қисмининг иккинчи — тўққизинчи хатбошилари қуйидаги таҳрирда баён этилсин:

«божхона хизмати кичик сержанти — икки йил;

божхона хизмати сержанти — икки йил;

божхона хизмати катта сержанти — муддатсиз;

божхона хизмати лейтенанти — икки йил;

божхона хизмати катта лейтенанти — икки йил;

божхона хизмати капитани — уч йил;

божхона хизмати майори — тўрт йил;